

道家活計少說些箇清閑一味無過並沒攀緣愛念俗事相魔道遠水雲自在任東西日月如梭快遊歷便舞錦旗履頂笠披裘不論天涯海畔處處如癡似醉狂歌外即雖然疎散內養沖和神丹一朝鍊就放霞光萬道非多恁時節禮拜風仙直上大羅

贈朱官人張書表

諸公聽我自有神京爐中亦有蓬瀛五色霞光上下來往飛昇識得水雲活計更無勞足力遊行固性命便般般打過有甚開爭好。事先人後已守清虛營養一點靈明應物真常自在動止安寧一朝功成行滿去朝元雲步身輕真了了似重陽師父無滅無生

贈龔公

蓬頭垢面秘奧埋名願神養氣忘形並沒纖塵挂染意靜心明道遠自然快樂握玄機修進長生清閑處管勝如火院苦海寬坑。月眠雲弄斗調龍虎嬰嬌女托堪憑軒運飛金走玉杳杳冥冥靈光一點來往現元初妙相身輕乘鸞鳳指蓬瀛路上前行

贈權知微

因何絕利為甚忘名曾觀五嶽真形玉性如珠似印燦爛光明從斯假軀識破便灰心更不勞生尋出路恐靈光一點落在迷坑。斷攀緣愛念搜玄妙無中捉箇為憑靜靜清湛湛香默養真功成七還九轉挂仙裳鶴羽輕輕朝元去指瑤臺閻苑雲行

贈駱先生劉石二先生

諸公學道莫學奇怪無為無作無賽百不歌中四句偏內持戒身心木雕塗捏遇千魔萬難不採常寧耐常寧耐常寧耐寧耐。悟微觀天之道執天行關要自是交泰常處真常常應常靜常在真常真懂真樂現真如超越三界真無壞真無壞無壞無壞

寄段錄事孫助教道友等

諸公學道畧聽予言如同幹句家緣試看登杆踏索走馬行船何曾說辛道苦遇艱難轉轉心堅志危險更忘身忘命忘後忘前。不管傍人冷笑熱懣地常常謹謹專專假是蘇秦陸賈說不迴有人能如斯向道可搜真搜

妙搜玄無不悟又何愁不做神仙

贈王知玄

見孫如和妻妻干戈慳慳靈利邪魔蝸角蠅頭名利寵辱驚者尋思上林鞋履到來朝事節如何逃性命奈一宵難保事箇甚麼。好伴山伺馬鈺松峯下道遠醉舞狂歌膝上琴彈碧玉調格沖和盤中養成大藥現胎仙舞袖婆娑恁時節禮拜風仙直上大羅

藏劉石公獻石羊索詞

披山舉鼎射虎穿揚難同般運青羊悟得玄中玄妙豁豁洋洋自然如癡似醉遠人情風。害猖伴環堵裏且埋光隱跡豈望名揚。但願人人似我內行持雲水恣意飄飄金木隨波流轉火運炎煬自是虎龍交戰吐神珠結正晶陽恁時節駕雲軒歸去同禮重陽

贈徐道淵

猛拋俗海一志投玄全真清靜為先心上無思無慮無黨無偏無中得些雅趣守清貧度日隨緣自然理算從今至古罕有人言。惟有神翁箇能承當身中自是周圓海處靈

龜靈口靈吸靈泉靈元復噴絳閣結金丹一
穎新鮮無生滅與山侗共禮風仙

贈宋先生

休誇富貴莫誇榮華無常事緊堪嗟休學雲
陽朱判利錄名如好繼風仙悟道棄家緣仙
路無差長久志鍊凡心似玉絕盡纖瑕度
日唯憑乞化慈悲地逍遙雲水生涯常處常
清常靜常有苦芽無中功成九轉現胎仙手
掌靈砂恁時節與山侗同步煙霞

贈張小仙

松峯之下閑飲刀圭薦益大養交黎撫動心
琴鸞鶴上下爭飛虎龍一齊哮吼便說迴六
賊三尸陰魔散覺天清地靜日月輝輝幹
運金光玉斝聚祥煙瑞氣結正嬰兒體挂仙
裳足履霞彩雲霓口稱不生不滅指蓬瀛路
上堪歸這些箇道家活計說與人知

贈長安徐先生

一明玄理二贈交宮三才四象究窮通五彩
霞光來往清雨濛濛六慈七情滌盡八術流
運轉迴風九數內十分顛倒顯現真功十

丹陽神光燦

極晴空虛白九重門開闡金玉重重八色瑠
璃洞裏卧虎眠龍七寶花開六出五方中四
位歸宗三光照二儀相從一箇神翁

贈姜師兄

持功打坐禮土我吟煖霞辟穀看經符水精
專存想嗽咽勞形多迷房中之術服還元水
大為憑且不罪遮般般功法錯了修行若
悟無為大道絕攀緣愛念喜怒塵情意靜心
清精秘氣結神凝自然性停命住起真慈功
行雙成金童詔便携雲跨鳳得赴蓬瀛

贈眾道友

色財粘惹如漆如膠要他清爽交交那更名
難怎解利鏤難敲終日憂兒愁女又何曾暫
展眉梢火院裏把身軀陷了如灰如炮若
悟無常事緊將恩愛塵緣猛烈俱拋物外道
遣性命便是知交日用心清意靜看雲騰龍
虎咆哮神光燦現本來面目天地難包

寄與平社公

星移斗轉四時交換無人暫時思算恰做嬰
童不覺漸為老漢酒色氣財財賍過好休心也

好捨拚好迴首好把元初事好生了幹奉
勸疾些下手恐闍羅不測差鬼叫喚早與丘
劉譚馬物外為伴靜意清心徑路便名為長
生彼岸神光燦跨青鸞歸去天地難管

勸道友

憐妻愛妻憂兒愁女一心千頭萬緒競利爭
名來往豈曾停住如蜂採花成蜜謂誰甜獨
擔辛苦迷迷地似飛蛾投火好大暮故上
落阿爺老子火坑中誰是留心憫汝箇箇
賢貪愛他享富貴死來無人肯替願迴頭疾
些省悟歸物外處無為清靜便是仙路

寄零口孫可道

幻軀摸抹走骨行在算來轉甚風流父母生
你之處殺你因由奉勸疾些識破應兒孫有
甚程頭早迴首把家緣擊下物外真修一
箇無為清靜是仙家秘訣大道機謀憑此行
持何必身外搜求自然來歸易結九還丹數
日金周神光燦乘羽輪飄駕直入瀛洲

贈姜王二先生

人人學道以叙須知始初屏子休妻次則離

二五一六二五

家乞食無作無為但見老人童稚便須當禮
樂先施行大善但生心舉意念念慈悲 挫
銳摧強忍辱把攀緣愛念莫起些兒自是靈
臺漸瑩與道相宜山上赤龍未繞海中黑
虎鉛園大丹熟指蓬瀛跨朵雲歸

贈趙抱玄

抱玄遠俗不戀榮華恬然滋味無加一片閑
心物外別有生涯無為自然清靜結窈窕密
妙堪誇丹田便拍塞塞地白雪黃芽 內
有真陽鍛鍊把元初根蒂復變靈砂得見通
明真性似玉無瑕功夫十分圓備訪蓬瀛步
步煙霞空虛裏有金童玉女迎入仙家

贈姚玄玉

道家活計坦蕩蓑衣住行坐卧相宜悟徹清
貧快樂絕盡孤疑生涯道遠自在水雲遊海
角天涯無繫絆縱開閑來往有甚歸依 把
握玄中妙趣除心病修鍊有似良醫誰信男
兒有孕不可思議氣結神凝命住產胎仙起
越九疑恁時節顯朝元歸去客儀

贈嚴公

昨宵夢裏幸遇重陽授予秘密仙方有杳冥
冥恍惚太白其黃便是刀圭顏色往來流飲
似瓊漿成丸彈服之一粒八脉安康
勢執增添剛刃生光彩輝耀晃耀明室說得
邪魔鬼魅速速潛藏自然化生兒現跨青鸞
得赴蓬莊遮玄妙示同流各要消詳

寄鄆縣吳公及道眾

山侗馬鈺閑吟閑詠不是誇強逞俊謂見人
居大院受苦不忍時時詩詞勸化啓丹誠開
開玄徑常天告望人人迴首箇箇聽信 割
斷情纏然索歸物外無榮無繫無病自在清
閑快樂修完性命一朝功成行滿有金童持
詔邀請如此事奈人人不肯折了伊甚

贈塗山于先生

閑閑搜獲人家兒女生前住在何處有甚親
親恩愛與他相聚生死不相替代甚勞勞為
他辛苦還省悟便須當拆火拂袖歸去 雲
水恁情遊歷無榮繫自然忘機絕慮三疊心
琴引動蛇嬰歌舞虎龍一齊蟠繞結金丹轉
增開悟精陰德行功圓真師來度

贈淳化染何先生

染家為作閑閑思付講些是非試聽攪下綾
羅絢綺滿椿一醜緣甚鍊教傷熱為惜他顏
色故恁染軸了更須碾研且圖光瑩 拋散
水漿無限遇人來取要即富便認解了瑕頭
纏縛自然見姓恰如修行一著無榮繫可觀
真性常清靜顯神光燦燦有準

寄興平張先生

超然悟道怡然捨俗寧肯泥拖水漉決烈迴
頭趨了恩山愛獄堪為風鄰月伴與雲朋霞
友相逐無繫絆在人間先占半仙之福 那
更真修真鍊得道遠自在澄心道德漸覺溪
田芝草異香額郁龍繞蟠何處在丹爐變
成金玉神光燦赴前程蓬萊寶陸

贈汝車趙三山

休言軟咽莫說存想吞霞服氣虛妄打坐持
功抽手挽脚勞穰採戰神丹散失服還元水
火不當端的處是無為至理最堪倚仗 心
好道遙快樂做道遠快樂常教豁暢神好清
閑供應清閑坦蕩沖和自然成實得旦初一

照明明神光燦現本來面目模樣

贈陳公王先生

道遠自在雲水遊遊身如不繫孤舟堪蕩無拘無管無喜無憂時時感情歌舞任傍人笑傲巖巖清貧志且隨緣度日誓不貪求處世虛空相似如蓮花不著水之蹤由便把三壇等施六度齊修自然果圓無漏心清靜超彼優游稽首禮無上尊聖佛道仙儔

師叔和公昇霞之後有臨潼縣開煉帛鋪張公久患治療不痊忽一夕夢

見師叔說以藥餌治療之法問其姓氏乃終南和先生也覺來依此照餌其病自愈至甲午歲重九日張公親詣師叔墳前燒香禮謝及立碣安于墓塔之上因以詞贈之

和公師叔昇霞之後奇哉妙矣若有醫可臨瀆必死張公道友神仙不求人報望賢空省悟埋首誰知道却遠來地肺燒香胡走作箇小詞奉勸辱無常伏烈疾些拂袖物外降心修鍊虎龍交構一朝行功圓滿九還丹自

然成就神光燦踏鸞歸謝師拯救

贈皇甫先生

始初一著仙凡爭交須知關敵又文俗意俗心力大投漆投膠真心裂來周正免火坑裏面身炮牢把捉切隄防失脚身卧荒郊若悟無常不測仗慧刀剛志戰退猿猴自是心清意靜龍虎咆哮神氣湛澄凝結大丹成天賜仙袍駕雲去赴蓬萊宴賞蟠桃

贈于九皋先生

休言百歲七十者稀那更不測之期閑想妻男自己總是行屍眼前榮華境界是昏迷性命根基如省悟把家緣擊下物外修持靈利翻成懵懂便逢頭垢面密護玄機真息綿綿祥瑞遍滿華夷欲赴蓬萊徑路仗三千功滿雲歸神光燦與大仙相聚有甚虧伊

贈湖口王先生

山侗謹勸名利人人只知富貴安身豈悟吾門一著出世根因虎龍交馳鳳闕更無中嬰此成親誰信道並不忤凡俗夫婦婚姻金木三般間隔用玄機幹運混合成真須覺男

兒懷孕不神而神性命不由天地自心知永占長春神光燦踏鸞歸來禮洞賓

贈姚元明

榮華不藉富貴不戀妻男任交生怨萬事俱忘一志十分修鍊心意常清常靜覺靈臺中天開地展堪賞觀見龍蟠虎繞坎離宮殿或變嬰嬌女姪向明堂便把翡翠簾捲祥瑞中間認得本來頭面手擎金丹大藥顯無為功成九轉神光燦便跨鸞馬赴瓊宴

贈三水縣三老先生

志當堅確性常柔弱心猿意馬定縛愛慾塵情俗念一齊拂却過去未來事理莫尋思更休計度居物外守清貧瀟灑莫嫌寂寞慎勿憂愁衰老如有病心中轉生歡樂若是臨行好弱境界休著常守真常無伴得靈明白然輝霍神光燦管惺酒酒超昇碧落

贈寧海顏先生

降心一著有些法度要你自己省悟閑想骷髏模樣緣甚作做因貪氣財酒色損精神墮於惡趣如恐怖管不須擒捉自然得住覺

照心開坦蕩見浮名浮利如無歸素內外倒
顛顛倒道家活路觸來不搖不動連本來一
點堪顧神光燦上九霄跨雲歸去

贈路宿劉先生

伊子同里自來交契各貪浮名浮利總悟無

常物物般般捐棄子先別離寧海又繼而賢
來關裏顧同志更同心同德同搜玄理慎
勿攀緣愛念便寧心寧意全神養氣塵世之
中不染不著為最慙慙完全功行常清靜有
些消息神光燦燦熒熒地是你真底

贈文登小王先生

身為環堵重封重鎖無君無漏無破開裏尋
閑閑中有閑功果常守常清常靜便獨行獨
坐獨卧忘機彼更忘名忘利忘人忘我朴
實實心實做把多疑多惑多多打過得將來
來得得得箇甚麼真如如不動覺靈明靈
靈則箇真消息是真真相濟真仙來賀

贈醴泉縣任公

任公決烈也待風流專心道上搜求子細研
窮何者名為真修認正即心是佛除心外匪

是良由無別法便澄心遣慾捉住猿猴心
上纖毫不挂更那堪時復閑想骷髏自是心
忘境滅真性優游常常心懷惻隱起真慈功
行圓周神光燦向大羅恣意雲遊

贈醴泉吳郎中

黃金滿屋白玉盈房兒孫羅列成行饒你般
般遂意難免無常要脫輪迴生滅除非是雲
水溪傍常清淨也不須禮念只藝心香做
做風仙了道繼史公歸遊露豁洋洋兩箇神
仙盡是與你同鄉即非遠年傳說是邇來親
見嘉祥但放下便管教雲步蓬莊

贈淳化老喬先生

頓拋世網猛跌迷坑物外兀兀騰騰恰似孤
雲野鶴來往縱橫遮枝清貧懶漢謝心神不
肯勞生無染著另便偃拈的做著修行藏
伏聰明智慧肯爭頭競角如賢媛能為事俱
忘清靜天地歸掌三田自然結實現胎仙當
面澄澄神光燦指蓬瀛便是前程

贈于瓦瓶先生

有榮有辱有利有害有喜有憂相待有得有

夫自是有成有敗為人有生有死但有形必
然有壞休著有自古來者有誰存在好
認無為無作道無情無念無憎無愛無我無
人無染無著無礙無心能消業障遠無無人
還悟解無中趣得無生無滅超越三界

贈離州苗先生

休誇美貌休誇年少休誇惺惺俊俏休要誇
張能運心機森森狡休誇多才多藝更休誇善
馳家小休誇術也休誇富貴比賢技少閑
想輪迴生死閑閑看丹經子書莊老閑裏尋
閑自是通玄明與閑中澄心養氣用閑功錄
成真實得閑趣做清閑仙子最好

贈喬李郭三仙

修行之士不在居山勿勞環堵學踏何必驅
驅來往遠遠相安休要持功打坐又何須耕
種艱難休勞苦更不須出藥博換衣衾看
你留心何處但無些染著打破般般好向鄰
中展手乞覓餘殘閱看浮名浮利嘆死生友
了心間忘塵念管將來位列仙班

贈趙雷二先生

聽子叮囑休恹飢寒休執外樂歡休做風
狂九伯諂詐多般休起無明業火更休思名
利相干休心急也休迷休執休受人謾只
守平常度日處無為清靜自是長安大道沖
和真氣全在心閒欲要性停命住為緣消自
結金丹神光燦定將來雲步仙壇

贈杜公及眾道友

懃懃者火謹謹看經專專供養他人種種作
福惟恐失了人身明明將來富貴奈區區販
骨艱辛終何濟願人人聽勸別有良因拂
袖歸於物外占逍遙自在燕處申申相結雲
朋霞友風月親親翰運亘初一點鍊本來真
箇真真神光燦做長生久視人人

贈宋何二先生

捨家學道爭奈心魔心中憎愛尤多心意如
猿如馬如走如梭心生塵情競起縱頑心不
肯消磨心念惡罪皆因心造怎免閻羅奉
勸專降心意把勝心摧挫如切如磋心若死
灰自是神氣沖和真心無染無著起慈心更
沒偏頗心念善道皆因心造超越婆婆

贈曹八先生

妙玄易解心意難善窮究如何長便牢捉牢
擒爭奈馬猿跳躩十二時中返倒關峻人生
情起念當發願便至死來來與他征戰既
你十分顛倒却怎禁堅志專專鍛鍊達悟知
空自是內觀不見纔方生有天地藥爐中日
月運轉常清靜聖功生神明出現

看清靜經因作是詞贈徐司判

孤眠獨處不迷外境常常留心內認悟徹男
清女濁男動女靜即非世間男女是無中些
兒結正誰信道却元來便是自家性命捉
住遮般妙趣便澄心遣慾絕乎視聽香杳冥
冥恍惚惚惚相應其中有精有物覺男兒自
然懷孕常清靜產胎仙出現有準

贈道友徐司判

名種相引別離登州遠來積石時秋司判美
任止是一載因由纔到瓜期相逼豈都無行
色憂愁嘆往復是八千餘里畢竟何求好
學淵明解職傲海蟾納印慷慨雲遊相繼神
翁決烈物外真修保養先天之物運自然火

銀丹丘功行滿駕祥雲趨赴瀛洲

贈零口康先生

人人學道箇箇心急要妙玄端的搜索刀
圭鉛汞洞天月日採訪木金間隔緊搜求天
機秘密聽子勸遮異名異相且休尋覓先
斷氣財酒色把塵心俗念速當洗滌萬事俱
忘精氣自無走失心清自然明道萬神靈自
通消息能如此望蓬萊三島咫尺

贈武功薛先生

同流相聚遞相覺察須當外搜內刷關做修
行有若爭頭競角見賢思齊休把神珠時
時擦抹如開悟便宜乎先覺覺乎後覺更
且聽子重勸論修行全在無為絕學莫使塵
緣間隔本來素朴淨清能分真假自然明道
非遙遊功夫到達幽微神仙掌握

贈韓四機宜

機宜韓氏不就承塵無心進修聖業惟恐名
聲相引無休無歇更有一般高見鼓盆歌轉
生歡悅常落魄訪村孟蘭飲不拘時節不
管兒孫生計便拖條蓍杖速離世六經載志

歸惟好朝風詠月稍似山侗活路儻留心搜
尋秘訣轉開悟做真修仙班同列

贈吳知綱先生

外功外行作福因由不如身內真修調養真
鉛真汞上下交流山前金龍嬉戲大海中玉
虎遨遊便驚動遮無形無影嬰托綢繆走
上靈臺對舞更不須落口恣意歌謳爛飲刀
圭醉卧寶藏瓊樓結成胎仙踴躍引青鸞穩
駕神舟歸蓬島有金童邀赴瀛洲

化胡了仙兄弟

三尸調引六賊迷惑自然亂亂冤冤鎮日爭
財競氣戀酒貪色已舉意先存已便縱心機更
不羞勒索老子你身軀有限勝甚標格壽
數休言百歲從今古人生七十難得計日都
來二萬五千二百那堪夜消其半更提防一
著不測如省悟從山侗不為凡客
心在亂歌迷酒感損傷三魂七魄不顧危
亡一向貪戀財色追陪花朋酒友便聯鑣誇
街玉勒宴賞處向笙歌叢裏賣弄俊格縱
有石崇富貴遮來顏綠鬢志生留得止是行

昆走骨呆老九伯時問榮華雖好奈無常之
事怎測如省覺做修持非凡窟客

家緣猛棄更不疑惑辨認陰魂陽鬼咄出尸
蟲屏盡氣財酒色好事先人後已做慙慙有
似彌勤修大道處無為無作漸通妙格物

外道遙自在真懽樂清中靜中招得功累三
千更要行滿八百時時運行日月遮些兒他
人難測真了了便得為蓬萊仙客

般般識破物物難感自然安寔定覓覓聽如
算如替絕盡聲色身心道遠自在沒家緣恩
愛繫勒無為作乞殘餘度日無恥無格道

歷恣情坦蕩似孤雲野鶴有誰管得不羨榮
華富貴革車三百終日澄心遺怨覺玄機密
妙易測功行滿做十洲三島真客

夢中見珍寶不知其數至于衣襟益
滿次有玄中子姚先生引章臺街趙
公父子八子環堵談話之次忽聞鐘

響人皆慘然于是趙公跪告詩詞方
受紙筆撒然覺來遂作神光燦半首
敘夢中之事錄呈堂下道友翌日却

有雲中子蘇先生引夢中所見者趙
公至言斯人新悟道專投全真堂下

修行渠見其詞不勝忻忭乞綴後篇
昨宵夢見遍地黃金珍珠瑪瑙盈襟滿目珊
瑚琥珀玉樹瓊林暮閣不特鐘響謔人人各

有灰心天水子便前來稽首索我清冷
得花殘象管方吟詠夢迴誰是知音幸有清
風皓月悅我心琴些兒的端妙處看何人有
分搜尋如同志定將來雲岫高岑

和雷戒師師父

戒師和尚可稱吾徒明禪悟道通儒子細研
窮正覺並段菱殊溫良恭儉讓禮生老病死
苦嗟吁當修進鍊本金水火土證無餘三
教門人省悟忘人我宜乎共處茅廬物外玄
談句句營養毗盧常懷博施濟眾氣神和丹

結明珠歸兜率向大羅蓬島同居
贈三一居士張明道

昔年在俗常長三久二張綿被重重取笑風
仙訓誨三誓山侗吉未馬氏三寶如今有三
被扶風三一法使恒來雲裏高卧三峯從

此依憑三教把三乘妙法子細研窮內運三
光照耀坎虎離龍存三守一三載覺三四一
粒丹紅三三數更心琴三疊得與仙同

勸沃州孫仙進道

神仙何處只在蓬萊逍遙堪蕩奇哉或向虛
無縹渺去去來來賞說十洲三島縱開遊閱
苑瑤臺無窮樂與雲朋霞友携手吟吟開
闢瓊林雅宴遣青衣鼓舞引鳳鸞玉女金
童不住歌舞傳盃醉卧清風明月任祥煙瑞
我來迴數修道管將來得與相陪

示同流

修行之士莫要浮恍十方飲膳難消試看鋤
田日午汗滴禾苗匙鉢百鞭何嘗誑他人休
望天饒運省悟覺寒毛聳聳似冷水澆若
要不運口債惺蕭蕭洒洒寂寂寥寥常處常
清常靜莫犯天條大慈大悲心起助真功奪
取仙標歸蓬島享天廚珍饈瓊瑤
見人錯失動我心腸交予怎不悲傷思想然
指然臂頂上然香假饒投崖喂虎儘捨身拚
命非常爭知得有些兒妙理別是嘉祥清

靜無為鼎內覺心中直天下降腎堂腎水化
為真氣氣結紅霜常常薰蒸四大便玲瓏響
哢玲瓏神光燦得夢雲歸去蓬在

勸道友

堪嗟夫婦錯了良因當元未結婚姻各自人
家兒女並沒親親都緣媒妁配偶貪淫慾敗
壞精神求後嗣得成羣成隊不肯抽身終
日戀兒戀女豈思量咫尺失脚沈淪身畏姐
蟲骸骨化作微塵若悟如斯究竟便迴頭保
養天真神光燦向蓬瀛賞我長春

勸化

人皆好色妻常設計巧笑語言詐偽日日梳
粧圖要見他悅喜時時耳邊低呢緊發人爭
財競氣存自便更不詢富貴義與不義歡
喜冤家沒解豈思量好意却是弱意豈要衣
食入夜偷盜精髓悟來心驚膽顫怕追鬼取
命活鬼歸大道處無為謹修仙位
破迷
名成利遂男婚女媾不覺容衰霜鬢轉使說
謔豈想大限將近小鬼傍觀失笑且從他殘

喘胡騎忽染患便虛醫扁鵲藥無相應尚
自愛家念計追寬帖前來護方自省都謂兒
孫妻妾送了性命氣斷魂歸冥路自心知並
無功行闍老惡便教又去地獄永鎮

嘆骷髏

携筇信步郊外閑遊路傍忽見骷髏眼裏填
塗口內長出臭穢瀟灑不堪重說更難為弄
騎風流想在目勸他家學道不肯迴頭恥
向街前求乞到如今顯現白骨無羞若悟生
居火院死墮陰因沈烈灰心慷慨捨家緣物
外真修神光燦得祥雲觀步直赴瀛洲

贈洞雲散人陳姑

清清淨淨搜獲玄玄觀天可認根源數布參
羅萬象日月相傳做做女媧手段攝虛元五
色新鮮下火鍊大功成了了無缺無圓得
一清寧人地無為作自然水水綿綿有奇冥
冥煖煖產胎仙便是本來面目更明知燕
口能言恁時節有金童來報得去朝元
贈零口楊悟一
楊姑悟道猛烈難比便把鏡樓碎鐵破皮

囊臭腐誓不梳洗一志蓬頭垢面便披蓑策杖頂笠絕聰慧戒無明業火自帶拙銳斷制男兒何似比追魂取魄索命活鬼富貴榮華棄盡更不留意常守清常靜處無為自然之理功行滿向十洲三島占箇仙位

贈姚守清李守靜

休將清淨却做尋常可憑秘笈仙方晝夜行持決要萬事俱忘奈何從前執景使時時關亂心腸常斷制似兩家征戰各舉刀槍勦盡尸蟲猿馬處無為無作無事之鄉常應常清常靜常得吉祥更德真慈相助功成得赴蓬瀛乘雲去訪重陽師父師祖純陽

贈小胡村李姑

姑姑修煉聽予重告先要斷除煩惱揜捉心猿意馬休使返倒如同男兒洩烈莫躊躇更休草草速下手仗十分苦志免參閻老萬種塵緣一削得真真真樂漸通玄奧寂護無為清靜自然之道應物真常幽蘭氣神相結成丹寶功行滿跨祥雲歸去三島

評長安王姑

奇哉慧劍無影無形純鋼斬鐵截釘劈碎思山斫斷愛慾塵情勦除三尸六賊不須彈神鬼皆驚常把握鎮龜蛇二物足下安寧此知人人皆有但專心向道自願功能更以常清常靜降刃光明自然通玄通妙又何愁性不靈靈功行滿也須當携去蓬瀛

贈涇陽縣二女姑

奇哉至理常淨常清易知易曉難行要做神仙須索認此為憑休別搜玄搜妙便登心遣慾忘情無染著更無憎無愛無競無爭悟後觸來不動覺無中天地悉皆歸寧日月同宮晝夜團聚光明不神而神顯現駕祥雲奔赴蓬瀛朝玉帝顯真功清靜道成

贈長安吉祥散人王姑

死生事繫懸甚兒孫怡然跳出家門物外道遙佳箇無事閑軒常常營心絕慮便名為捉馬擒猿塵念斷覺愜愜酒酒自悟玄言至妙精微去處在風鄰月伴兩脚雲根寂靜方知洞裏別是乾坤性命豈由天地遮靈明返本還元歸蓬島更無生無滅常存

贈零口通明散人害風魏姑

身為女子志似男兒悟來跳出門兒道上搜尋戀其美女嬌兒性似孤雲野鶴世塵緣不惹些兒真脫洒便堪稱比箇大丈夫兒認正本來清淨處何須謂認虎兒龍兒也不整理離坎妣女嬰兒無為大功成就產一箇無相人兒陽純了便得與太上做兒

贈眾女姑

嫌風怕日愛惜容儀畫堂深處相宜對鏡梳粧整頓金縷羅衣因聞風仙蟬蛻慕真修決烈無疑棄華麗便蓬頭垢面布素歸依昔日靈根受病知今却須當下手親醫般運身中日月直接天涯自然木金成寶現神珠是曜清沂方知道遮些兒不可思議

恐人返道預識之

人人學道因何退息都緣心不寧耐富貴修行或遇艱難阻厄貧者受人供養自備於必然敗壞或好賄便自招自攬非常災害或有鍊心不盡起攀緣愛念決定破戒若悟韶先迅速生死事大常懷慎終如始處無為清

靜無養功行滿與九玄七祖共超三界

嘆世

行屍走骨迷利爭名傷神損氣勞形鎮日謾

天昧地不顧神明都緣爲兒爲女惹塵勞一
向貪生何事盡待無常限到送入深坑 金

玉珠珍棄了惟留得平生善惡爲憑甚處分

明打箠直至幽冥無情業鏡來照覺從前罪
業非輕放聲哭恨當初不做修行

師父畫骷髏相誘引稍悟

風仙化我無限詞章仍懷猶預心腸見畫骷

髓省悟斷制從長欲待來年學道恐今年不

測無常欲來日恐今宵身死失却佳祥 管

甚兒孫不了脫家緣街上恣意猖狂遭興雲

遊水塵別是風光經過無窮勝景更那堪得

到金方專一志鍊丹陽須繼重陽

蒙師父訓誨

丘劉譚馬四箇小鮮蒙師釣出深淵到岸纔

方磨琢取火搜煙冷柴痛如割切鍊頑心有

似油煎說得假便常常屏氣似不能言 萬

種千般鍛鍊賴于適各各志確心堅苦處曾

二一六

經樂處退步爭先惟恐猿顛馬劣見人人父
母如然常忍辱處無爲清靜謹修仙

因夢作

時當春社巷裏閑眠夢魂飛上峯顛忽見山
中神道萬萬千千箇箇無些喜色予閑問因

何慘然聞此語便一齊大慟却訴因緣 某

等當元學道都緣謂貪益愛戀腫臃罰做靈

祇以是失了神仙如今纔方省悟便見他酒

肉如克須當避勸先生進道戒行精專

看園基

爭名競利恰似園基至於談笑存機口倖相

謾有若蜜裏藏砒見他有些活路向前侵更

沒慈悲誇好手起貪心不顧自底先危 深

類孫龐關智忘仁義惟憑巧詐詭譎終日相

征相戰無暫閑時常存殺心打劫往來覓須

要便宜一著錯似無常限至扁鵲難醫

自詠

昔年在俗常用心機挑生剋死爲誰歡喜冤

家惹得一向愚癡恰如飛蛾投火身焦爛猶

自速速爭些箇被兒孫妻妾送了頭皮 因

二一七

遇風仙閑悟迴光照怨親不可相隨盡是狼
蟲虎豹蛇蝎狐狸把似養他毒物又何如物

外修持功行滿跨雲歸侍奉本師

昔年名利役碎頑心氣財酒色深沈方寸之
間荆棘彷彿成林因遇風仙省悟覺從前罪

業彌深使改正便改正改正改正改正 遊

歷天心地肺結雲朋霞友月伴風鄰自在道

遙快樂絕盡搜尋假使貧人退道得榮華富

貴人欽我不肯我不肯不肯不肯

山侗昔日火院中間千斤重擔常耽鎮日爭

名競利嫉妬慳貪萬般憂愁思慮又何曾時

暫心閑因箇甚養怨親人口二十有三 正

在迷津受苦風仙至專專救度愚頑二載纔

方省悟跳出鄉關如今逍遙坦蕩鍊身中七

寶還丹功行滿訪蓬瀛再見師顏

山侗昔日名利忙忙身如著箭香獐心似湯

煎火炙無暫清涼萬般憂愁思慮爲兒孫惱

斷肝腸不知苦似遊魚在鼎尚自遊颺 因

遇心方開悟覺從前爲作盡是刀槍說得心

驚膽顫遠離家鄉常祈夢也不夢敢生情起

念思量人閉著覺渾身汗流失措惶惶

山侗昔日忒熱著故背兒孫死去正受艱
難忽爾風仙救度提出迷津苦海到長生彼

岸迴顧方知得在前時事錯養家冤苦 或
問鄉中俗裏先號吡而後恣意歌舞樂道聲

音笑貌有似愚魯此者傍人怎曉我咱知就
中元素神光燦處無為玄妙出自師父

波波劫劫劫波波慙慙耳聖果窩只恐兒
孫不辦意要如何教教輕肥具足更安閑坐

處笙歌與他幹肯留心向道自顧些箇 通

得形骸瘦瘠生華髮流年漸下高坡尚自愚
頑不省罪業增多若非風仙救度定將來參

謁閻羅爭些箇落洪崖萬丈好險馬哥
人居浮世身是浮生貪婪浮利浮名有若浮

雲聚散無準無憑浮華不堅不固似浮漚石
火風燈浮虛事奈人人不悟却以為榮 兒

女金如玉柵廟堂是因房火院迷坑妻妾如
刀似劍近著傷形無常苦中最苦細尋思膽

顛心驚說得我便迴頭却做修行
無涯火院如牢如獄氣財酒色拘束萬苦千

辛來往波波趨趨因悟迴光返照嘆從前冤

苦不足說不得使放聲痛哭痛哭痛哭 今
日十分識破妻男是冤家債主厭憎有甚恩

情不可與他相逐既沒攀緣愛念覺心清易
詞金木神光燦是大羅仙福仙福

師如子產我似嘉魚兒孫有若救人救者慈
悲喜者何其不仁愚憐須當別辨棄怨親家

從師真修大道免輪迴生滅跳出迷津 便
把凡心裂另常清靜自然結就良因坎虎離

龍嬉戲無價之珍瑞雲重重龍現胎仙丈
六金身神光燦向蓬萊賞說長春

專遠靈海專遊陝右專來有何幹向專住環
牆專守天長地久專遠氣財酒色專清靜專

修九九專一志更專心專意專專知友 專
量真功真行專專地專心勸人迴首專與雲

朋專鍊寶鏡真致專投玉關金鎖專回飲瓊
漿仙酒專等候有風仙師父專來拯救

人生七十罕希壽數我今四旬有五箇形
骸便是七分入土其餘晚霞殘照遇風仙繞

方者悟好除咱爭些兒失脚鬼使拖去 本

合陰司受苦却如今物外修行得做自在道

遙望崑崙微妙趣枯樹再生花卉占長生性
命堅固將來去向蓬瀛添箇仙侶

披蓑携杖坦蕩逍遙都緣識破塵囂終日狂

歌狂舞有似玉喬好與童稚嬉戲更有時相
伴漁樵無榮繫得真歡真樂真寂寞 閑

訪山居禪老使于心雲鶴引過溪橋月下歸
來拉得三兩知交松間菴前小酌撫玉琴寶

鼎香燒無俗論願將來同上丹霄

丹陽神光燦